

## Ro Ta Paulus Ibeede La Ki Titus

<sup>1</sup> Nio Paulus, mbesoonjo ki Anutu mi ngonjana ki Yesu Krisi, ta anbeede ro ti. Zin wal tau Anutu ipeikat zin be tiwe lene na, nio ankamam uraata bekena anjuulu zin ma tiurla kini mi tiute kat sua nonoono. Naso tito mbulu kini,

<sup>2</sup> mi tiur matan pa mbotjana mata yaryaraanana. Mbotjana tana, mungu kat, indeenje Anutu iur kosa sa zen na, ni imbuk sua pa. Mi ni irao ipakaam na som. Izzo sua nonoono men.✧

<sup>3</sup> Mi indeenje ka nol na, Anutu ta ulaanja kiti i, iur uruunu ambainjana imar nomon, mi ingo yo ma anla be ansoyara sua tana pizin tomtom. Naso timbot mat pa.✧

<sup>4</sup> O Titus, anbeede ro ti ima paso, urlanana kiti ilup ituru ma tewe tamen, mi anre u kembei lutun nonoono. Tamanda Anutu mi ulaanja kiti Yesu Krisi ko tikampe u, mi timboro u ma mbot ambai. Nonoono.✧

*Titus bela iur mboronjan ambaimbainjan  
(1Tim 3:2-7)*

<sup>5</sup> Mungu nio anzemu su mutu Krit mi anso pu be urpe uraata pakan ta anposop som na, mi ur zin mboronjan ma ikot kar ta boozomen. Mi ingi ansope u pa uraata ta ima nomom kek na.✧

---

✧ **1:2:** Ro 16:25+; 2Tim 1:1,9 ✧ **1:3:** Ro 1:5; Ga 1:1; Ep 1:9+; 1Tes 2:4; 1Tim 1:1-11 ✧ **1:4:** Ro 1:7 ✧ **1:5:** Ngo 14:23; 2Tim 2:2

<sup>6</sup> Tomtom ta nu sombe uri na, bela mbulu kini ta boozomen ambai men. Kokena tomtom tiyyo kwon pini. Mi bela igabiizi itunu mi imbotmbot ki kusiini nɔnoono men. Mi lutuunu bizin na, bela tilenlej la kalɔaana, mi tiurla ki Yesu, mi urun ambai. Kokena tizorzooro mi tiwirri pat kizin pa mbulu soroksorok.✧

<sup>7</sup> Pa mboronjan ta ikamam peeze pa lupɔana ki Kri na, mbulu kini ta boozomen bela ambai men. Kokena tomtom tiyyo kwon pini. Tana irao ito itunu leleene men pepe, mi keteene malmal karau pepe. Mi ni iwin ma zaza pepe, mi imangayaryaara pa malmal pepe. Mi irru zaala be iwatke le pat pepe.✧

<sup>8</sup> Ni kamɔa leembenana, mi leleene pa mbulu ambainana ilip. Mi ikamam kat ngar mi igabizbiizi itunu. Mi ikamam mbulu ndeenɔana mi potomɔana men.

<sup>9</sup> Mi ikiskis sua ta tipaute i pa na, ma imbol pini. Pa sua tana, sua nɔnoono. Irao tapase pa. Naso ni irao be ikam sua ambainana pizin tomtom be ipombol urlanana kizin, mi iswe zin wal ta tizorzooro pa sua nɔnoono na.✧

### *Mbulu kizin wal pakamkaamɔan*

<sup>10</sup> Tana ur zin mboronjan ta kembei. Pa wal boozomen tau niomɔan kombotmbot na, zin wal zorzooronjan, mi tiyyo kwon pa sua soroksorok ta nɔno somɔana i, mi tipandelndel zin tomtom. Zin Yuda ta timbotmbot la lupɔana tiom na, zin ta timuɔmuuɔu pa mbulu tana.✧

✧ **1:6:** 2Tim 2:24+ ✧ **1:7:** Mt 24:45; 1Kor 4:1; Ep 5:18; 1Pe 5:2

✧ **1:9:** 1Tim 1:10, 6:3+; 2Tim 1:13, 2:15, 4:3; Tit 2:1 ✧ **1:10:** Ngo 15:1; 1Tim 1:6

**11** Wal ta kembei na, peteke zin mi pumun kwon. Pa tipasansaana tomtom pakan zinan zin wal ta timbotmbot ruumu kizin na, ma urlanana kizin isaana. Wal pakamkaamnan tina na, kan mian somnan. Pa tipabogboogo sua ki Merere, beken tiwatke len koron kizin tomtom.✧

**12** Mungu Krit zitun merere kizin kwoono ta, ni iswe kat zin ma iso ta kembei: “Tomtom ki Krit tingi, zin pakamkaamnan mi sananjan kat. Zin kembei buzur sanjan. Mi zin belegelegenan mi kopon kinjan kat.”

**13** Sua tana na, nonono men. Tana yaamba kat wal tana mi swe zin pa mbulu kizin pakaamjana. Naso urpe urlanana kizin ma ambai mini.✧

**14** Kokena tingun taljan pa mbol soroksorok kizin Yuda, ramaki tutu soroksorok kizin tomtom ta tipizil ndemen pa sua nonono kek na.✧

**15** Zin wal tau lelen ngeezenan na, koron sa irao ipasaana zin pa Anutu mataana na som. Pa mbulu kizin ramaki koron kizin ta boozomen na ingeeze men. Tamen zin wal tau lelen ingeeze som, mi tiurla som na, mbulu kizin mi koron kizin sa ko irao ingeeze pa Anutu mataana na som. Pa lelen mi ngar kizin isaana kek.✧

**16** Wal ta kembena tindemeere sorok ma tiso tiute Anutu. Tamen mbulu kizin iswe zin kembei tipizil ndemen pini kek. Tana Anutu lelene pizin risa som. Pa tizorroo la kaljana, mi tirao be tikam uraata ambainana sa som.✧

---

✧ **1:11:** Yo 10:12; 1Tim 6:5; 2Tim 3:6+; 1Pe 5:2    ✧ **1:13:** 2Tim 4:2  
 ✧ **1:14:** Mt 15:9; Kol 2:21+; 1Tim 1:4, 4:7    ✧ **1:15:** Mt 15:11; Lu 11:39+; Ngo 10:15; Ro 14:14,20,23; 1Kor 6:12    ✧ **1:16:** 2Tim 3:5; 1Yo 1:6, 2:4; Yud 4

## 2

### *Mbulu tabe wal ki Krisi tikam*

<sup>1</sup> Mi nu Titus, kozo paute zin tomtom pa ngar ambaiņana tabe ipombol urlaņana kizin. ☆

<sup>2</sup> Tana so pizin kolman be tigabiizi zitun, mi tikam mbulu kizin ma ambai men pa tomtom matan. Bela tikam mbulu raama ngar, mi urlaņana kizin imbol, mi tiur lelen pizin tomtom, mi timender mbolņana pa pataņana. ☆

<sup>3</sup> Mi zin kolmannan ta kembena. So pizin be tikam mbulu potomņana men mi timoto Merere. Mi tinjal sua pizin tomtom pepe, mi tiwe mbe-sooņo pa winņana pepe. Bela tipaute zin tomtom pa mbulu ambaiņana. ☆

<sup>4</sup> Naso tipombol zin moori pakan be tiur lelen pa kusin bizin ma lutun bizin,

<sup>5</sup> mibe tikam kat ngar mi tigabiizi zitun, mi tikam mbulu ngeezeņana men, mi timboro kat lele mi ruumu kizin, mi tikampe zin tomtom, mi tikoto zitun ma timbot la kusin bizin kopon mbarman. Tona tomtom sa ko irao be iyyo kwoono pa Anutu sua kini som. ☆

<sup>6</sup> Mi zin nanņan kaibiim na, pombol zin be tikam kat ngar mi tigabiizi zitun.

<sup>7</sup> Mi nu itum na, kozo we kin ambaiņana pizin, mi patooņo zin pa mbulu ambaimbaiņan ta munņaana men, to zin tiyose. Sombe kam sua pizin tomtom, na kam sua ņonoono men raama lelem. Mi motom injal itum be mbulu ku ingeeze men pa tomtom matan. ☆

---

☆ **2:1:** 2Tim 1:13; Tit 1:9    ☆ **2:2:** 1Tim 3:2+    ☆ **2:3:** 1Tim 3:11; 2Tim 2:9+; 1Pe 3:3+    ☆ **2:5:** 1Kor 14:34; Ep 5:22; Kol 3:18; 1Tim 2:11, 6:1; 1Pe 3:1    ☆ **2:7:** 1Tim 4:12; 1Pe 5:3

<sup>8</sup> Mi kam sua ambainjana tabe ipombol urlanjana kizin tomtom. Kokena tomtom sa iyo kwoono piti. Tona zin wal ta tizorooru ko kan mianj pa mbulu kizin, mi timaane men. Paso, zin ko tire u kembei nu kam njoobo mbulu sa som. ✧

<sup>9</sup> Mi zin wal ki Kisi ta tiwe mbesoonjo sorok na, so pizin be tileŋleŋ la bibip kizin kaljan, mibe tikam kat uraata kizin ta boozomen ma irao bibip kizin lenen. Mi tipetekat sua pizin pepe, ✧

<sup>10</sup> naman sosor pa bibip kizin koronj kizin sa pepe. Bela matan ingalŋgal uraata kizin mi tikam kat. Naso bibip kizin tirao be tindemeere zin. Pa mbulu ta kembei ko ikam ma Anutu ta ulaanja kiti na, sua kini ingeeze pa tomtom matan. ✧

*Kampejana mi muŋainjana ki Anutu ta ipiyooto mbulu ambainjana*

<sup>11</sup> Iti tuute: Kampejana mi muŋainjana ki Anutu ta ipet mat kek. Tana koozi wal ta boozomen len zaala be Anutu ikamke zin. ✧

<sup>12</sup> Mi kampejana mi muŋainjana kini tana ipaute iti ta kembei: Koozi, mbulu boozomen ta ito Anutu njar kini som, ramaki mbulu toono kan ta nindi ize pa i, na bela tipizil ndemende pa ma imap ma imborene. Mi takam kat njar mi tagabiizi itundu, mi takam mbulu ndeenenjana men ta ito Anutu njar kini. ✧

<sup>13</sup> Tana iti bela takamam ta kembei, mi tu'urur matanda pa Merere kiti Yesu Kisi, be imiili ma imar mini raama mburaana mi azunja kini biibi.

---

✧ **2:8:** Tit 1:9; 1Pe 2:12,15, 3:16 ✧ **2:9:** Ep 6:5+; Kol 3:22+; 1Tim 6:1+ ✧ **2:10:** Mt 5:16; Pil 2:15 ✧ **2:11:** 1Tim 2:4; Tit 3:4+; 2Pe 3:9 ✧ **2:12:** Ro 6:19; Ep 1:4; Kol 1:22; 1Tes 4:7; 1Pe 1:15; 1Yo 2:15+

Ni Anutu kiti mi Ulaaŋa kiti zaanaŋana. Mbulu tana iso ipet, nako lelende ambai kat pa kampeŋana tabe ise kiti i. ✧

<sup>14</sup> Yesu Kriŋi, ni ikam murindi mi izem itunu ma imeete piti, bekena isan ti la sanaana mburaana, mibe ipus ti ma tewe ndeenenanda, mi tewe ni lene. Naso matanda siŋsiŋ be takam uraata ambaimbaiŋan matakiŋa. ✧

<sup>15</sup> Sua tio ta boozomen taiŋgi, kozo paute zin tomtom pa, mi pazal zin pa, mi pombol zin be tito kat. Mi re. Kokena tomtom sa mata pasomu. Pa nu zom pa uraata ku. ✧

### 3

#### *Mbulu kizin wal urlaŋana kan*

<sup>1</sup> Pei ŋgar kizin tomtom be timbotmbot la zin bibip ki gabman ta tikamam peeze piti i kopon mbarman mi tileŋleŋ la kaŋan, mibe matan siŋsiŋ pa uraata ambaimbaiŋan matakiŋa ta boozomen. ✧

<sup>2</sup> Mi so pizin be tipiri sua sananŋana pa tomtom sa pepe, mi tizooro pepe. Mibe tikam mbulu luumuŋana men, mi len ŋger pa tomtom ta boozomen. ✧

<sup>3</sup> Pa muŋgu iti tomini takankaana pa Anutu, mi tozorzoori, mi takamam mbulu bozboozo, mi tomtom tipandelndel ti pa sua kizin pakaamŋana, mi nindi izze pa mbulu soroksorok boozomen ki toono mi tewe mbesooŋo pa. Takamam ŋgar sananŋana pizin tomtom, mi matanda mburmbur

---

✧ **2:13:** 1Kor 1:7; Pil 3:20; 1Yo 3:2 ✧ **2:14:** Kam 19:5; Mbo 130:8; Ga 1:4; Ep 2:10; Ibr 9:14; 1Pe 2:9 ✧ **2:15:** 1Kor 16:11; 1Tim 4:12; 2Tim 4:2 ✧ **3:1:** Ro 13:1+; 1Pe 2:13+ ✧ **3:2:** Ep 4:2,31; Pil 4:5; Kol 3:12; 2Tim 2:24+

pizin, mi itinjan tomtom ta boozomen taparwe kanda koi ma tomtombot.✠

<sup>4</sup> Tamen indeenje kampejana mi munainjana ki Anutu ta ulaanja kiti na ipet mat na, ni iwe tundu mi ikamke iti.✠

<sup>5-6</sup> Mi iti takam mbulu ndeenenjana sa ta ni ikamke iti pa i na som. Som kat. Ina ni itunu munainjana kini tau. Zaala ta ni ikamke iti pa i, ina ta kembei: Bubunana Potomjana ikam uraata piti ma tewe poponanda, mi ipus ti ma tewe ngeezenanda. Pa Ulaanja kiti Yesu Krisi iwe zaala piti, tanata Anutu ikam Bubunana Potomjana ma isu ma isalakaala iti.✠

<sup>7</sup> Tana kampejana mi munainjana ki Anutu, ta ikam ti ma tewe ndeenenanda pa ni mataana. Mi koozi zanda be takam mbotjana mata yaryaraanana mi tu'urur matanda pa.✠

<sup>8</sup> Sua tana, sua nonoono. Irao tuurla mi tapase pa. Tana nio lelen be nu kwom imbolmbol pa. Naso zin wal tau tiurla ki Anutu na, matan ingalngal be tikam uraata mi mbulu ambaimbainjan totomen. Pa mbulu ta kembei, ina ambai mi iuluulu zin tomtom.✠

<sup>9</sup> Mi zin wal ta tiyyo kwon pa sua kankaananana, mi tiwidit Yuda tumbun bizin un mi tiparzoro pa tutu ki Mose na, mbotmbot molo pizin. Pa sua soroksorok ta kembei, ko iuulu iti risa som, mi ipiyooto nonoono ambainjana sa som.✠

<sup>10-11</sup> Sombe tomtom sa izarzoro mi irekreege lupnana ki Krisi, na lonja mi peteke i. Peteke i pa ta

---

✠ **3:3:** 1Kor 6:11; Ep 2:1+, 5:8; 1Pe 4:3 ✠ **3:4:** Tit 2:11 ✠ **3:5-6:** Yo 3:3+; Ngo 2:17-33, 15:11; Ro 3:20+, 5:5; Ga 2:16; 2Tim 1:9 ✠ **3:7:** Ro 8:17,23+ ✠ **3:8:** 1Tim 1:14+ ✠ **3:9:** 1Tim 1:4; 2Tim 2:23; Tit 1:14

ma som, mi so iwe ru pa ma som, to pizil ndemem pini, mi mbot molo pini. Pa nu ute: Tomtom ta inoknok sanaana ta kembei, ni izem zaala ki Anutu kek. Tana mbulu kini tina iswe i kembei kaimer ni kola ikam kadoono sananɲana mi ila lene.✧

*Sua pemetɲana*

<sup>12</sup> Re sombe aɲgo Atemas, som Tikikus ma ima, to toombo be loɲa mi mar tio ta Nikopolis i. Pa iɲgi lele ilomo kek. Mi re lene ta tiɲgi na, aɲso aɲla aɲbot ta tiɲga.✧

<sup>13</sup> Sombe Zenas ta iute kat tutu ki Rom na, ziru Apolos tima tipet ku, na re zin pa mboti mi pai kizin, kokena timbot ɲoobo.✧

<sup>14</sup> Pa iti wal kiti tomimi, irao tikam ɲgar pa mbulu ki kampeɲana, mi tiuulu zin wal ta timbot ɲoobo i. Kokena urlaɲana kizin ipiyooto ɲonoono ambainɲana sa som.✧

<sup>15</sup> Wal boozomen tau niamɲan ambotmbot taɲgi na, tikam aigule kizin pu. Mi pakanda bizin ta niomɲan kombotmbot tina, mi tiur lelen piam mi tikiskis urlaɲana kizin na, we kwoyam mi kam aigule tiam pizin.

Kampeɲana ki Anutu ko ise tiom. ɲonoono.

---

✧ **3:10-11:** Mt 18:15+; Ro 16:17+; 2Tes 3:6; 1Tim 6:3+; 2Tim 3:5; 2Yo 10 ✧ **3:12:** Kol 4:7+ ✧ **3:13:** Ngo 18:24+ ✧ **3:14:** Pil 1:11; Kol 1:10; Tit 2:14



**Anutu Sua Kini Potomaxana  
Genesis, Exodus, Ruth, Psalms, Proverbs, Jonah, and  
The New Testament in the Mbula Language of Papua  
New Guinea  
Sampela hap Buk Baibel long tokples Mbula long  
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

---

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593